

Latit. Gr. Scr.	Longit. Gr. Scr.
27. 30.	78. 0.
31. 38.	66. 32.
31. 52.	66. 37.
32. 52.	66. 57. $\frac{1}{2}$
33. 8.	67. 54.
33. 34.	66. 37. $\frac{1}{2}$
31. 37. $\frac{1}{2}$	66. 1.
29. 0.	66. 30.
31. 22.	65. 51.
33. 24.	67. 12.
31. 10.	60. 40.

INDEX GEOGRAPHICUS.

respondit, à facie Sarai dominæ meæ ego fugio. v. 9. Dixitque ei Angelus Domini: revertere ad dominam tuam, & humiliare sub manu illius.

Agareni populi, à matre Ismaëlis Agar, sic dicti. V. Ismaëlitæ.

Ager Booz ex historia Ruth demonstratur propè Bethlehem, in qua Elimelech & Booz consanguinei domum habuere: Ruth autem dum in agro Booz spicas colligit, gratiam apud eum invenit, qui & propinquam agnoscens, in uxorem accepit, ex qua Obed, ex quo Jesse, & ex quo David.

Ager Robustorum prope Gabaa. Ubi duodecim de Benjamin ex parte Isboseth filii Saül; & duodecim de pueris David decertaverunt, seseque mutuis ictibus confoderunt. 2. Reg. 2. v. 15. & 16.

Ahalab. V. Labanath.

Ahion, Aion; Ahion, 3. Regum 15. v. 20. Aion, 4. Reg. 15. v. 29. & iterum Ahion, 2. Paralip. 16. v. 4. eadem urbs est; ut in Abela-Beth-Maacha demonstravimus.

Ahohi. Unde Eleazar Ahohites, inter tres fortissimos Davidis, 2. Reg. 23. v. 9. & 1. Paral. 11. v. 12. 2. Reg. 23. v. 28. est Selmon Ahohites inter triginta nobiles, & 1. Paralip. 11. v. 29. Isai Ahohites, & 27. v. 4. Dudia Ahohites inter duodecim principes, qui singuli singulis mensibus præerant viginti quatuor hominum millibus: ipse secundæ turmæ, & in secundo mense ministrabat, sed loci hujus situs non certo constat.

Aialon Urbs in Tribu Dan, Josue 19. v. 42. ea inter duodecim urbes hujus Tribus quarta, postea Levitis ex familia Caath datur, Josue 21. v. 24. & 1. Paralip. 6. v. 69. ubi scribitur Helon pro Aialon. Aialon etenim iterum est Judic. 1. v. 35. inter urbes, quas non delevit Tribus Dan.

Ailath, Elath, Elath. Urbs & portus ad Maris rubri pene intimum recessum, 4. Reg. 14. v. 22. Ipse (Azariath filius Amaziæ) ædificavit Elath, & restituit eam Judæ, 2. Paralip. 8. v. 17. Tunc abiit rex Salomon in Asion-gaber, & in Ailath ad oram Maris rubri, quæ est in Terra Edom, 2. Paralip. 26. v. 2. Ipse (Ozias filius Amasiæ) ædificavit Ailath, & restituit eam ditioni Judæ. Quem Azariath vocat liber Regum, eundem Oziam vocat lib. Paralip. 3. Reg. 9. v. 26. Classem fecit rex Salomon in Asion-gaber, quæ est juxta Ailath in littore Maris rubri, in Terra Idumæa, 4. Reg. 16. v. 6. In tempore illo restituit Rafin rex Syriæ (Ailath) Syriæ, & ejecit Judæos de Aila: & Idumæi venerunt in Ailan, & habitaverunt ibi. Locus hic Elath scribitur, Deuter. 2. v. 8. idem ergo Aila, Ailath, Elath, & Elath.

Ain. V. Aën & Asan.

Alcath. V. Halcath.

Alexandria Ægypti inferioris, sive partis ejus, quæ Delta vocatur, urbs maxima, & nobilissima; sed quæ multò notior in Prophanis, quam in Sacris Litteris. Ipsa etenim ab Alexandro Magno primùm ædificata, à Bocharo nulla est in toto Veteri Testamento, ubi pro Alexandria, legit Thebas Ægyptias, sive Diospolim, quæ Hebræis No-Ammon, & Ammon-No scribitur Jeremiæ 46. v. 25. Ezechieli 33. v. 14. 15. 16. Nahum. 3. v. 8. Vide Bocharum ipsum in Geographiæ suæ parte priori, cap. 1. Alexandrini quidem benè noti in Act. Apost. Novi Testament. 6. v. 9. & seq. ubi de Synagoga Libertinorum, Cyrenensium, Alexandrinorum, aliorumque; qui cum Stephano disputantes, in eum insurrexerunt, & falsis testibus eum opprimere conati, tandem lapidarunt. cap. 18. v. 24. de Judæo agit, eoque Alexandrino, cui nomen Apollo fuit, cap. 27. v. 1. Paulus à Centurione Julio Romam ducitur, in navi Alexandrina saltem Melitam usque, ad quam naufragium passus, Romam